

S t j ó r n .

Stjórn K.K.Í. var þannig skipuð á árinu: Bogi Þorsteinsson formaður, Magnús Björnsson varaform., Gunnar Petersen féhirðir, Þráinn Scheving fundarritari, Gunnar Hansson bréfritari, Halldór Sigurðsson form. faga- og leikræglanefndar og Helgi Ágústsson form. útbreiðslunefndar.

Alls voru haldnir 33 bókaðir stjórnarfundir á árinu, auk funda með blaðamönnum og landsliðsmönnum.

Stjórnarstörf.

Eins og undanfarin ár, var fjáröflun eitt af aðal verkefnum stjórnarinnar. Aflað var auglýsinga í leikskrá og útbreiðslu- styrkur sá, er kom í hlut KKÍ af tóbaksskatti ÍSÍ, gerði sam- bandinu mögulegt, í fyrsta skipti, að styrkja körfuknattleiks- menn á námskeið erlendis. Ennfremur greiddi sambandið ferðakostnað dómara á leiki bikarkeppninnar og á dómaranámskeið á Akureyri.

Eins og í fyrra, sá stjórn KKÍ um framkvæmd Íslandsmótsins, sem verður eftir því umfangsmeira, sem liðum fjölgar.

Mikil vinna var við undirbúning utanfarar landsliðsins í keppnisför til Bandaríkjanna og Kanada og bréfaskriptir innan- lands og utan, fara vaxandi með ári hverju.

Á árinu var gengið frá samningi við Íþróttakennaraskóla Íslands, um þjálfaranámskeið. Er samningurinn í heild birtur síðar í skýrslunni, en stjórn KKÍ hyggur að hér hafi verið stigið spor, er geti orðið heilladrjúgt fyrir framgang körfuknattleiks- íþróttarinnar hér á landi.

Körfuknattleiksráðstefna F.I.B.A., Varna, Búlagríu.

Magnús Björnsson, varaform. KKÍ, sótti hina árlegu ráðstefnu Evrópu- og Miðjarðarhafsdeildar FIBA, sem að þessu sinni var haldin í bænum Varna, á Svartahafsströnd Bulgariu.

Ráðstefnuna sóttu fulltrúar 32 þjóða af svæðinu og voru þar mörg mál rædd, m.a. er snerta okkur beinlínis.

Noregur var nú samþykktur í FIBA og eru þá allar Evrópuþjóðir orðnar aðilar að alþjóðasambandinu og heildartala meðlima þess komin upp í 119 og er FIBA því fjölmennasta íþróttasamband í heimi í dag.

Magnús veitti Finnum brautargengi við að fá að halda næsta Evrópumeistaramót árið 1967. Með góðri samstöðu Norðurlanda og nokkurra þjóða Vestur-Evrópu fékkst þetta samþykkt og verður EM haldið í Helsinki 1967.

Polar Cup keppnin fékkst í fyrra samþykkt, sem undanrás í einum riðli EM. Þar sem Finnar sjá um keppnina 1967, þá ganga þeir beint inn í keppnina, án undankeppni. Tvö efstu lið P.C. hljóta rétt til þátttöku í 16 liða úrslitakeppni. Þar sem Svíar unnu engan leik á EM í Rússlandi s.l. sumar, þá taldi þingið að P.C. væri of veikur riðill til að senda 2 lið auk Finna. Munu því annaðhvort Vestur-Þjóðverjar eða Pólverjar keppa við okkur, Svía, Norðmenn og Dani, um þessi tvö sæti. Þar sem Ísland tapaði fyrir Svþjóð með aðeins 6 stigum á síðasta PolarCup, er ekki loku fyrir skotið, að Ísland geti hlotið annað sætið og komist á EM í Finn- landi

Ennfremur var á ráðstefnunni raða í riðla í undanrásum EM unglingslandsliða. Ísland lenti í riðli með Finnlandi, Svíþjóð,

Póllandi og Vestur-Býskalandi. Keppnin fer fram í Finnlandi. Nýlega barst okkur tilkynning frá Finnum um að keppni þessi skuli fara fram 7-11 apríl n.k. Þar sem þetta eru sömu dagarnir og P.C. keppnin fer fram í Kaupmannahöfn, þá hefir stjórn KKI mótmælt þessu harðlega og krafist að keppnin fari fram um áramótið. Þeir er eftir svári frá Finnum.

Evrópu Cup, meistaraliða.

Síðastliðinn vetur tóku Íslandsmeistarar Í.R. í fyrsta skipti þátt í Evrópubikarkeppni meistaraliða.

ÍR-ingar voru heppnir með mótherja í fyrstu umferð. Mættu þeir Írlandsmeisturunum, Collegians B.C., Belfast, og sigruðu glæsilega í báðum leikjunum. Íleiknum, sem fram fór hér heima, en leikið var í íþróttahúsinu á Keflavíkurlugvelli, sigraði ÍR 71:17 og síðari leikinn sem fram fór í Belfast unnu þeir 74:42. Þeim leik var sjónvarpað um allar Bretlandseyjar.

Hér er um mjög glæsilegann árangur að ræða hjá ÍR-ingum, sem vakti ef til vill meiri árangur erlendis heldur en hér heima.

Gaman er að minnst þess, að ÍR-ingar urðu fyrstir íslenzkra liða til að komast í aðra umferð í slíkri keppni.

Í 2. umferð mættu ÍR-ingar hinsvegar ofurefli, frönsku meisturunum A.S.V.E.L., sem sigruðu í báðum leikjunum, 74:42 hér heima og 84:19 í Frakklandi.

Núverandi Íslandsmeistarar K.R. hafa einnig tilkynnt þátttöku í Evrópubikarnum í vetur. Mæta þeir sænsku meisturunum Alviks B.C. og takist þeim að sigra í þeirri viðureign, þá biða þeirra skemmtilegir mótherjar, eða sjálfir bikarmeistararnir, hið heimsfræga lið, Real Madrid.

Unglingalandsliðið.

Helgi Jóhannsson, hinn gamalkunni landsliðsþjálfari, tók að sér að velja 14 piltar, til þjálfunar og æfinga, vegna væntanlegs unglíngalandsliðs. Flestir muna ennþá, hinn glæsilega árangur, sem Helgi náði með unglíngalandsliði í París 1963, er liði sigraði England og Luxemburg og náði beztum árangri gegn Frökkum, en Frakkar urðu síðan í öðru sæti, næstir á eftir Sóvétríkjunum í úrslitakeppninni í Ítalíu.

Sjö piltar voru valdir til æfinga frá ÍR, 3 KRingar, 2 frá KFR og 1 frá hvorum, Ármanni og UMF Laugardæla.

Æfingar hafa farið fram í KR-húsinu, en nú um þessa helgi verða þær fluttar í hið glæsilega nýja íþróttahús Réttarholtsskóla.

Gjöf til KKI frá Savannatríóinu.

Skömmu áður en landsliðið lagði upp í Bandaríkjaför sína, færði Savannatríóid KKI að gjöf, 20 eintök af þjóðlaga-hljómplötu sinni. Var öllum þeim liðum, sem keppt var við í vesturförinni, svo og nokkrum einstaklingum, fært eintak af hljómplötunni að gjöf. Er óhætt að fullyrða, að hér var um óvenju góða landkynning að ræða og létu viðtakendur óspart í ljósi ánægju sína með gjöfina.

Stjórn KKI þakkar þeim félögum í Savannatríóinu, þess höfðinglegu gjöf og metur að verðleikum, þessa óvenjulegu hugulsemi.

Skýrsla útbreiðslunefndar

Í útbreiðslunefnd K.K.Í. störfuðu þeir Þorkell Steinar Ellertsson og Einar Ólafsson, auk formanns nefndarinnar Helga Ágústssonar.

1. Bikarkeppni:

Megin verkefni nefndarinnar varð skipulagning og undirbúningur bikarkeppninnar.

Nefndin varð sammála um, að beztu tilgangur keppninnar væri aukin þátttaka utanbæjarliða, en körfuknattleikur hefur átt sívaxandi vinsældum að fagna á landsbyggðinni, en liðum þar einungis veitt staðbundin keppnisreynsla.

Beztu fyrirkomulag keppninnar var talin vera svæðakeppni og kæmu þau lið, er sigruðu innan síns svæðis til úrslitakeppni, en í því augnamiði, að fækka löngum og erfiðum ferðalögum keppenda, var ákveðið, að stjórn K.K.Í. hefði heimild til að láta fara fram keppni milli svæðanna, áður en komið væri til lokakeppninnar.

Það var einróma álit nefndarinnar, að með tilliti til þeirra utanbæjarliða sem í úrslitakeppni kæmst, bæri að útiloka I. deildarliðin frá keppninni, a.m.k. til að byrja með. Víst mætti telja, að það utanbæjarlið sem lenti í úrslitaleik við sterkt I. deildarlið veigraði sér við frekari þáttöku og drægi kjark úr öðrum.

Svæðaskipting var bezt talin miðast við bandalög og sambönd, en beint tekið fram í reglugerðinni, að ætlast væri til, að einstök félög innan þeirra vébanda sendu lið sín, en ekki sameiginlega í þeim tilgangi, að fá sem flesta til þáttöku. Tala svæðanna þótti heppilegust vera ákveðin 8.

Ljóst má vera, að ýmsir vankantar kunna að vera á reglugerðinni og sumt kunnir betur á annan veg að fara. Slíkt mun reynslan leiða í ljós og æskilegt er, að keppnisáðilar komi athugasemdum sínum og tillögum á framfæri.

2. Tæknimerki:

Mjög mikill áhugi á knattþrautum ríkti á landsbyggðinni á liðnu starfsári og gefur það glögga hugmynd um áhuga unglinga fyrir körfuknattleik og gefur glæstar vonir um körfuknattleiksmenn framtíðarinnar.

Skýrsla um tekin knattþrautarstig 1964 - 1965:

Félag eða skóli:	Gull	Silfur	Bronz	Járn
Barnask. í Stykkishólmi			2 (1)	7
Miðskólinn í Stykkishólmi			28 (17)	27
UMF Snæfell			7	9
Héraðsskólinn Núpi	32 (32)		99 (99)	124
UMFM			1 (1)	4
Héraðsbandalag V-Ísafj. sýslu				15
	32 (32)		137 (118)	186

Tölur gefnar í sviga er fjöldi þeirra er áður hafa lokið lægra stigi.

Upplag knattþrautabæklinganna þraut s.l. vor og annaðist nefndin endurskoðun og breytingar frá fyrri skilyrðum fyrir töku ýmissa þrauta. Einnig sá nefndin um breytingar á skýrslum vegna tæknimerkja, þar eð hinar fyrri voru á margan hátt óhentugar, en auk þess var upplag þeirra á þrotum.

3. Þjálfarnámskeið - Kennsla í körfuknattleik:

Þorkell Steinar Ellertsson veitti forstöðu þjálfaranámskeiði á Akureyri dagana 1. og 2. maí. Flutti hann fyrirlestra og sýndi kennslukvikmyndir, ásamt verklegri kennslu. Aðsókn var mjög góð og þótti námskeiðið vel heppnað í alla staði.

Í ráði var að efna til þjálfaranámskeiðs á Selfossi s.l. sumar, en horfið var frá því, með tilliti til þess, að mun betri aðsóknar væri að vænta með haustinu.

Sigurður P. Gíslason, íþróttakennari, fór á vegum K.K.Í. til

Ísafjarðar og dvaldi þar dagana 9. - 14. september. Kenndi Sigurður þar þrjár klst. dag hvern í sex daga og einnig sýndi hann kennslukvikmyndir í körfukrættleik. Afingar voru mjög vel sóttar og mikill áhugi ríkjandi.

Bogi Þorsteinsson var viðstaddur íþróttamót að Núpi í boði Sigurðar Guðmundssonar íþróttakennara. Flutti Bogi þar erindi um uppruna og sögu körfukrættleiksíþróttarinnar og sýndi kennslukvikmyndir. Hann var einnig viðstaddur úrslitaleikinn í bikarkeppninni á Vestfjörðum og kveður Bogi áhuga fyrir körfukrættleik vera þar með einðæmum mikinn þrátt fyrir slæmar aðstæður.

Stjórn K.K.Í., í samráði við dómarafélagið í körfukrættleik (KKDÍ) sá um framkvæmd keppni í körfukrættleik á landsmóti ungmennafélaga á Laugarvatni s.l. sumar. Lagði stjórnin þar til dómara, þitara og tímaverði. Keppnin fór mjög vel fram og vakti mikla athygli. Enda var samþykkt á Sambandsþingi UMFÍ að körfukrættleikur verði frauvegis keppnisgrein á Landsmóti UMFÍ.

4. Gengið var endanlega frá samningi milli Í.K.Í og K.K.Í. um þjálfaranámskeið og fer samningurinn hér á eftir:

Reglugerð um þjálfaranámskeið Í.K.Í og K.K.Í.
og samningur milli Í.K.Í og K.K.Í. um rekstur slíkra námskeiða.

I. kafli:

1. grein.

Námskeiðin eru í þrem stigum.

2. grein.

A

Námskeið I. stigs.

Umsækjendur skulu hafa náð 18 ára aldri. Meðmæli frá félagi þeirra fylgi umsókn. Kennt skal samkvæmt námsskrá. Kennslustundir samtals 25.

B

Námskeið II. stigs.

Umsækjendur skulu hafa tekið þátt í námskeiði I. stigs og lokið því. Kennt skal samkvæmt námsskrá. Kennslustundir samtals 35. Námskeiðinu lýkur með prófi.

C

Námskeið III. stigs.

Umsækjendur skulu hafa lokið prófi II. stigs og staðizt það. Meðmæli frá félagi þeirra fylgi umsókn. Ennfremur leggist fram vottorð þess efnis, að umsækjandi hafi starfað, milli námskeiða, sem þjálfari í körfukrættleik. Kennt skal samkvæmt námsskrá. Kennslustundir samtals 40. Námskeiðinu lýkur með prófi.

II. kafli:

3. grein.

Eftir því sem fé er til, efnir íþróttakennaraskóli Íslands (Í.K.Í) og Körfukrættleikssamband Íslands (K.K.Í.) til námskeiða fyrir þjálfara í körfukrættleik, samkvæmt því sem greint er frá í reglugerð þessari og samningi.

Stjórn Körfukrættleikssambands Íslands, stjórnir Héraðssambanda eða körfukrættleiksráð í þeirra umboði skulu auglýsa námskeiðið í íþróttahéraðinu og leita eftir þátttakendum.

Fyrir nánar auglýstan tíma skal stjórn Héraðssambands eða körfukrættleiksráð, sækja til K.K.Í. um að námskeið verði haldið. Slíkri umsókn þurfa að fylgja nöfn væntanlegra þátttakenda og meðmæli

frá félagi því, sem þeir eru skráðir meðlimir í.

Stjórn K.K.Í. kemur síðan beiðninni á framfæri við skólastjóra Í.K.Í.

Í samráði við umsækjendur ákveður skólastjóri Í.K.Í. og stjórn K.K.Í. hvar og hvenær halda skuli námskeið og á hvaða stigi.

4. grein.

Samvinna sú milli Í.K.Í. og K.K.Í. um rekstur námskeiða, sem hér er að framan lýst, byggist á því, að Í.K.Í. greiði laun kennara og leigu á íþróttahúsi. Þá greiðir Í.K.Í. ferðakostnað kennara samkvæmt reikningi, ásamt dagpeningum samkvæmt þeim reglum, er gilda á hverjum tíma vegna ríkisstarfsmanna.

Kennara, sem Í.K.Í. ræður til starfs á námskeiði, þarf stjórn K.K.Í. að samþykkja.

Kennari er ábyrgur starfa sinna að námskeiðinu gagnvart Í.K.Í. og K.K.Í. Hann skilar þessum stofnunum báðum nákvæmri skýrslu um námskeiðið og nafnaskrá yfir þátttakendur, þar sem fram kemur búsetu aldur, námsárangur og störf innan íþróttahreyfingarinnar.

Skólastjóri Í.K.Í. og kennari námskeiðsins setja þátttakendur reglur varðandi aga og ástundun.

III. kafli:

5. grein.

Stjórn K.K.Í. leggur kennara til námsskrá vegna þess námsfólks, sem fara skal yfir á hverju stigi. Skólastjóri Í.K.Í. þarf að samþykkja hana.

Stjórn K.K.Í. og kennari semja prófverkefni og ákveða hvernig þau skulu lögð fyrir.

Stjórn K.K.Í. annast um að útvega hæfa menn úr héraði, ef tæk eru á til prófdómarastarfa og skal val þeirra háð samþykki skólastjóra Í.K.Í.

6. grein.

Próf skulu vera munnleg, skrifleg og verkleg. Þeir er hlotið hafa 5,00 í aðaleinkunn og eru að dómi kennara hæfir til að taka að sér störf körfuknattleikspjálfa, teljast hafa staðizt próf. Þáttaka í námskeiði I. stigs veitir aðeins heimild til þátttöku í námskeiði II. stigs.

Gera skal skírteini, sem þátttakendur, er ljúka námskeiði fá afhent.

Viðurkenning fyrir þátttöku í námskeiði I. stigs skal fylgja umsókn um þátttöku í námskeiði II. stigs. Þátttakandi í námskeiði I. stigs skal leggja fram skírteini um þátttöku í námskeiði II. stigs.

Í skírteininu skal greint frá því, að þátttakandi sé hæfur þjálfari í körfuknattleik.

Á skírteinið skal einnig vera hægt að skrá umsögn um þjálfara-störf handhafa.

Undir skírteinið rita skólastjóri Í.K.Í., formaður K.K.Í. og kennari.

IV. Kafli.

7. grein.

Ágreining, ef rísa kann, vegna þessarar samvinnu Í.K.Í. og K.K.Í. skal afgreiða á fundi, þar sem sæti eiga skólastjóri Í.K.Í. formaður K.K.Í. og íþróttafulltrúi ríkisins.

8. grein.

Reglugerð þessi og samningur taka gildi, þegar samþykkt hefur verið af báðum aðilum, og er í gildi þar til skólastjóri Í.K.Í. eða formaður K.K.Í. óskar uppsagnar.

Fellur reglugerðin og samningurinn úr gildi 3 mánuðum eftir uppsögn annars hvors aðilans.

Reykjavík, 24. september 1965

Bogi Þorsteinsson (sign)
(form. K.K.Í.)

Árni Guðmundsson (sign)
(skólastj. Í.K.Í.)

Bikarkeppni:

Með tilkomu bikarkeppni K.K.Í. virðast körfuknattleiksmenn um land allt hafa fengið verðugt verkefni að glíma við. Í þessa fyrstu keppni sendu 16 lið þáttökutilkynningar og ríkti mikill áhugi fyrir keppninni og ýmsir efnilegir körfuknattleiksmenn komu fram á sjónarsviðið og fyllsta ástæða er til að ætla að þátttaka verði enn betri næsta sumar. Keppnin þótti takast mjög vel og er þá vel af stað farið. Ekki er að efa að bikarkeppnin verður góð lyftistöng körfuknattleiks í framtíðinni.

Úrslit leikja:

I. riðill:

UMF Skallagrímur - UMF Snæfell 63 : 60
í framlengdum leik, eftir venjulegan leiktíma var staðan 58 : 55.

II. riðill:

Körfuknattleiksfélag Ísafjarðar - Íþróttafél. Grettir 47 : 44
Körfuknattleiksfélag Ísafjarðar - Íþróttafél. Stefnir 21 : 42
Íþróttafélagið Grettir - Íþróttafélagið Stefnir 21 : 42

III. riðill:

UMS V-Húnavetninga - Tindastóll 55 : 38
Íþróttafél. Þór - Knattspyrnufél. Akureyrar 63 : 50
Íþróttafél. Þór - UMS V-Húnavetninga 84 : 27

IV. riðill:

UMF Selfoss - Íþróttabandalag Hafnarfjarðar 40 : 31
UMF Laugardals - UMF Hrunamanna 62 : 41
UMF Selfoss - UMF Laugardals 90 : 53

V. riðill

Ármann - - K.R. 50 - 40
Ármann - Í.R. 49 - 36

Undankeppni milli I. og II. riðils:

Körfuknattleiksfél. Ísafjarðar - UMF Skallagrímur 46 : 45

Úrslitakeppni fór fram í Reykjavík 2. og 3. október í íþróttahúsinu við Hálogaland. Keppni var þannig háttuð að þá var einnig keppt um hver skyldi hljóta 3. og 4. sætið. Úrslit urðu þessi:

Körfuknattleiksfél. Ísafjarðar - Ármann 35 : 77
Íþróttafélagið Þór - UMF Selfoss 55 : 49
UMF Selfoss - Körfuknattleiksfélag Ísafjarðar 56 : 27
Ármann - Íþróttafélagið Þór 46 : 26

1. Glímufélagið Ármann bikarmeistari
2. Íþróttafélagið Þór
3. UMF Selfoss
4. Körfuknattleiksfélag Ísafjarðar

Smvinnutryggingar gáfu glæsilegan verðlaunabikar, sem er faramúrgripur, en bikarum fylgir veggskjöldur, sem sigurvegari hlýtur til eignar.

Reykjavíkurmót.

Reykjavíkurmót í körfuknattleik var haldið í nóvember og desember 1964. K.K.R.R. sá um framkvæmd mótsins. Sigurvegarar í einstökum flokkum urðu þessir:

Mfl. í.R.
1.fl.í.R.
2.fl.í.R.
3.fl.í.R.
4.fl.K.R.

Akureyrarmót 1965.

K.A.	=	Pór a	74:58
Í.M.A.	=	Pór b	61:54
Pór a	-	Í.M.A.	76:61
K.A.	-	Pór b	78:60
K.A.	-	Í.M.A.	70:51
Pór a	-	Pór b.	80:52

Norðurlandsmót 1965

Pór a	-	Pór b.	60:30
K.A.	-	Í.M.A.	108:43
pór a	-	Í.M.A.	59:42
K.A.	-	Pór b	46:35
Í.M.A.	-	Pór b	43:35
Pór a	-	K.A.	66:61

Akureyrarmeistarar 1965 K.A.

Norðurl.meistarar 1965 Pór a -lið.

Íslandsmót 1965.

Úrslit í leikjum meistaraflokka I. deildar.

K.R.	-	Ármann	55:45	Í.R.	-	Í.S.	93:49
K.F.R.	-	Í.S.	51:36	Ármann-	Í.S.		61:35
K.R.	-	Í.S.	85:48	K.R.	-	K.F.R.	86:55
K.R.	-	Í.S.	95:32	Í.R.	-	Árm.	71:42
Árm.	-	K.F.R.	54:45	Árm.	-	Í.S.	68:33
K.R.	-	K.F.R.	87:49	Í.R.	-	K.F.R.	75:53
Í.R.	-	Árm.	51:42	Árm,	-	K.F.R.	69:61
K.R.	-	Ármann	55:38	Í.R.	-	Í.S.	98:48
Í.R.	-	K.F.R.	82:55	K.F.R.-	Í.S.		62:36
Í.R.	-	K.R.	70:57	K.R.	-	Í.R.	61:48

K.R. - Í.R. 64:54 í úrsl.1.

10 stigahæstu menn	leikir	stig	vill.	tekin vítak.	þar af hitt	% í vítak.
Einar Bollas.	K.R. 8(9)	170(199)	16(18)	52(61)	30(37)	57,7(60,6)
Junnar Gunnarss.	K.R. 8(9)	134(142)	15(17)	13	8	61,5
Pórir Magnúss.	K.F.R. 8	126	17	47	26	55,3
Þorst. Hallgr.s.	Í.R. 8(9)	111(128)	12(15)	27(33)	19(22)	70,3(66,6)
Marínó Sveinss.	K.F.R. 8	97	18	10	5	50,0
Hólmst.Sigurðss.	Í.R. 8(9)	89(91)	18(23)	8(10)	b 5(7):	62,5(70,0)
Kolbeinn Pálss.	K.R. 8(9)	86(88)	21(26)	20	8	40,0
Birgir Jakobss.	Í.R. 8(9)	83(97)	20(21)	18	9	50,0
Sigurður Ingólfss.	Á., 8	79	30	34	7	20,6
Sigurður Helgas.	K.F.R. 7	77	27	25	11	44,0

<u>Lið:</u>	<u>Leikir:</u>	<u>Unnið:</u>	<u>Tapað:</u>	<u>Stig:</u>
K. R.	8 (9)	7 (8)	1	14 (16)
f. R.	8	7	1 (2)	14
Ármann	8	4	4	8
K. F. R.	8	2	6	4
f. S.	8	0	8	0

<u>Lið</u>	<u>Tekin vítak:</u>	<u>Heppnuð vítaköst:</u>	<u>% í vítaköstun:</u>
K. R.	174 (185)	85 (93)	48.85 (50.27)
f. R.	109 (125)	66 (76)	60.50 (60.80)
Ármann	135	57	42.22
K. F. R.	116	59	50.86
f. S.	148	55	37.00

<u>Lið:</u>	<u>Skoruð stig:</u>	<u>Gegn:</u>	<u>Þeir skora:</u>	<u>Villur dæmdar á lið samt.:</u>
K. R.	581 (645)	385 (439)	46.9% meira en andst.	123 (142)
f. R.	588 (642)	407 (471)	36.3% " " "	139 (157)
Ármann	419	406	3.2% " " "	148
K. F. R.	431	525	17.9% minna en andst.	134
f. S.	317	613	48.3% " " "	127
<hr/>		<hr/>		
2336 (2454)		2336 (2454)		

II. deild.

- | | | |
|--------------------------------|--------|---|
| 1. Í.K.F. | 6 stig | |
| 2. Héraðssambandið Skarphéðinn | 4 " | Lið Menntaskólans á Laugarvatni keppti sem gestur í mótinu og hlutu 6 stig. |
| 3. UMF Skallagrímur | 2 " | |
| 4. UMF Snæfell | 0 " | |

Önnur úrslit voru þessi:

1. flokks K.R.
2. " f.R.
3. " f.R.
4. " Ármann
2. fl. kvenna. UMF Snæfell.

Bikarkeppni við varnarliðsmenn

Í hinni árlegu bikarkeppni milli úrvals varnarliðsmanna á Keflavíkurlugvelli og Reykjavíkúrvals báru reykvískir körfuknattleiksmenn enn sigur úr bítum. Sigrðu þeir með yfirburðum í fjórum af fimm leikjum keppinnar.

Evrópukeppni landsliða

Evrópukeppni landsliða í körfuknattleik fór fram í Sovétríkjunum á tímabilinu 30. maí til 10. júní. Úrslit urðu sem eftirfarandi:

1. Sovétríkin, Evrópumeistarar	
2. Júgóslavía	
3. Pólland	<u>Íslandsmeistarar í körfuknattleik.</u>
4. Ítalía	1952 Í.K.F.
5. Búlgaría	1953 Í.K.F.
6. Ísrael	1954 Í.R.
7. Tékkóslóvakía	1955 Í.R.
8. Grikkland	1956 Í.K.F.
9. Frakkland	1957 Í.R.
10. A.-Þýzkaland	1958 Í.K.F.
11. Spánn	1959 Í.S.
12. Finnland	1960 Í.R.
13. Rúmenía	1961 Í.R.
14. V.-Þýzkaland	1962 Í.R.
15. Ungverjaland	1963 Í.R.
16. Svíþjóð.	1964 Í.R.
	1965 K.R.

Skýrsla laga- og leikreglnanefndar KKÍ.

Í laga- og leikreglnanefnd KKÍ störfuðu þeir Davíð Helgason og Ingvar Sigurbjörnsson, auk formanns nefndarinnar Halldórs Sigurðssonar.

Dómaranámskeið.

Dómaranámskeið var haldið á Akureyri helgina 13.-14. marz. Leiðbeinandi á námskeiðinu var Guðjón Magnússon, en með honum fór Halldór Sigurðsson frá KKÍ. Móttökur á Akureyri voru með eindæmum góðar, kennslan fór fram í íþróttahúsi Egnfræðaskólans báða dagana, en námskeiðinu var slitið eftirmiðdag þess 14. í kaffisamsæti sem I.B.A. hélt nemendum og kennurum að Hótel KEA. Þar sýndi Halldór Sigurðsson stutta kennslumynd í körfuknattleik og rakti sögu körfuknattleiksins. Að allra álitu tókst námskeið þetta með ágætum og útskrifuðust eftirtaldir dómara, eftir munnlegt próf:

Bjarni F. Jónasson, Akureyri
Brynjólfur Snorrason, Akureyri
Gunnlaugur Ingólfsson, Akureyri
Hörður Tulinius, Akureyri
Jón Friðriksson, Akureyri
Sigurður Jakobsson, Akureyri
Skjöldur Jónsson, Akureyri
Björn Blöndal, Ólafsfirði
Ólafur Árnason, Ólafsfirði
Kristófer Þorleifsson, Eskifirði
Þórður Ólafsson, Reykjaskóla, Hrutafirði
Bjarni G. Sveinsson, Vestmannaeyjum.

Ráðgert var dómaranámskeið að Laugarvatni, en vegna prófa nemenda skólanna, var fallið frá því að sinni.

Í janúar var auglýst dómaranámskeið í Reykjavík, en þar sem aðeins tveir aðilar sóttu um þátttöku, varð ekki af námskeiðinu.

13. dómaranámskeið fyrir alþjóðadómara haldið í Frankfurt 1965.

Dagana 17. til 20. júní, hélt Evrópu- og Miðjarðarhafsdeild F.I.B.A. sitt 13. námskeið fyrir milliríkjadómara og landsliðsþjálfara, í Frankfurt, Þýskalandi. Megin tilgangur námskeiðsins var að útskrifa nýja milliríkjadómara, en einnig var bent á þá nauðsyn, að þjálfarar fengju sem gleggsta vitneskju, um áhrif dómara, á gang leiksins. Körfuknattleikssambandið sá sér fært að styrkja menn til fararinnar og var námskeiðið auglýst.

Þrjár umsóknir bárust sambandinu. Frá körfuknattleiksdómurinum Guðjóni Magnússyni og Guðmundi Þorsteinssyni og körfuknattleiksþjálfaranum Þorkeli Steinari Ellertssyni. KKÍ taldi alla framantalda aðila fullnægja þeim skilyrðum sem til þurfti og fóru þeir utan þann 15. júní.

Þess má geta að íslenskir körfuknattleiksmenn hafa aldrei áður farið utan í erindagerðum sem þessum og má því segja að þetta hafi verið stórt skref í framfara átt.

Á árinu var hið alþjóðlega leikskýrsluform endurskoðað og breytt. KKÍ hefur undirbúið prentun á all stóru upplagi af leikskýrslum í samræmi við breytingar F.I.B.A. Munu eintök verða send sambandsaðilum á næstunni.

Dómaranámskeið í Frankfurt, 17-21. júní 1965.

Dagana 17. júní til 20 júní sátum við 3 Íslendingar, Guðm. Þorsteinsson, Þorkell Steinar Ellertsson og undirritaður, ráðstefnu FIBA fyrir alþjóðadómara og þjálfara. Ráðstefnan var haldin í Frankfurt í Þýzkalandi, nánar til tekið í húsakynnum íþróttaskóla nálægs knattspyrnusambands, hinum fegurstu byggingum, ca. 15 km. Frankfurt.

Ráðstefnan hófst 17. júní kl. 9 f.h., með skrásetningu allra þátttakenda, sem voru um 150 víðsvegar úr Evrópu, auk gesta frá U.S.A. Síðar var ráðstefnan sett af aðalritara FIBA, R. William Jones.

Upphaflega hafði verið gert ráð fyrir að túlkað yrði á 3 tungumálum, þ.e. frönsku, ensku og þýzku, en í fyrstu reyndist allt í mesta ólagi með túlkun, þannig að yfirleitt heyrðist í öllum túlkunum samtímis. Þessu var þó kippt í lag síðar um daginn.

Fyrsta erindið á námskeiðinu var flutt af Frakknum Robert Busnel og var um túlkun reglnanna á Olympiuleikunum í Tokyo. Kom fram mikil gagnrýni á dómara á þessum Olympiuleikum og þó einkum þeim eldri, sem ræðumaður hvað vera úr æfingu og með of mikið af eigin túlkunum á hinum ýmsu vafatriðum.

Margt var merkilegt í ræðu þessari, en athyggjisliverðust sú röksemd, að Bandaríkjamenn léku skemmtilegri og auðveldari körfu-knattleik, heldur en Evrópumenn: Vegna þess að í Ameríku leitar maður með knöttinn að körfunni, í Evrópu leitar maður með knöttinn að miðherjunum (pivot player)

Einnig sú staðreynd, að eftir dónum ætti varnar-miðherji er gætir sóknar-miðherja (pivot) 75% af varnarvillun, en eftir kvikmyndum og öðrum sönnunargögnum, væri raunverulega mikill fjöldi af varnarvillum þessum, sóknarvillur á "pivot"-leikmanninn, en vegna þess hve oft báðir dómara-rnar fylgdu stefnu boltans, færu flestar villur pivotleikmanns, áður en hann fær knöttinn, framhjá dónurunum.

Það yrði of langt mál að ræða hér hvert erindi og atriði, sem fram kom á þessu námskeiði og læt ég nægja að drepa á það helzta.

Eftir hádegi þennan sama dag fór Mr. Jónes í reglurnar og hélt því áfram morguninn eftir og fram eftir degi allt til kl. 1900, en mæta áttum við Guðmundur um kvöldið til að dæma.

Ég átti fyrsta leik, fyrrihálfleik og dæmdi á móti Svisslending. Guðmundur átti hinsvegar að dæma í öðru leikfinishúsi skammt frá. Mér fannst mér ganga sanilega, en tók fljótt eftir hinum ógurlegu handsveiflum og tilburðum, er sanddómari minn sýndi og furðaði mig stórum á. Síðar kom í ljós, að samband allnáðið hefir tekist milli hljómsveitarstjórnar og dómara-starfa, eða svo má ætla eftir því sem ég varð vitni að í þessum leik og öðrum, sem á eftir fylgdu. Því miður fór svo að við Guðmundur höfðum ekki þessa eiginleika til að bera og tel ég það hafa haft mikið að segja, því að eins og okkur var tjáð síðar, er verklega prófið númer eitt og það nunnlega ekki eins mikilvægt.

Prófnefnd skipuðu 4 menn og voru 4 prófnefndir starfandi. Sátu prófnefndarmenn þannig meðan á leikjunum stóð, að einn sat við hvert horn leikvallarins. Fylgdust þeir því gaungæfilega með því er fram fór.

Annað er það sem ég frétti eftir leik þann er ég dæmdi, en það var það, að óheimilt er að dómari fari inn á leikvöllinn meðan boltinn er ó leik, heldur aðeins er knötturinn er úr leik. Þetta er atriði, sem ég get alls ekki felld mig við og því síður farið eftir, vegna þeirra aðstæðna, er hérlandis ríkja, þar sem eini staðurinn fyrir dómara er á vellinum sjálfum og fyrir endamörkum.

Morguninn eftir sýndi Frakkinn Busnel bráðsnjallar kennslu- myndir fyrir dómara, þar sem tekin voru fyrir hverskonar leikbrot og sýnd hægt, til að auðvelda viðstöddum. Þarna kom býsna margt fram, sem vakti furðu okkar, svo sem hin geysistranga túlkun á skrefum og fjölda þeirra. Svo og hve miklu oft er rétt að dæma sóknar- víti, heldur en gert er.

Það fannst mér furðulegt, að þessi mynd var ekki sýnd fyrir verklega prófið, því að af henni skýrðist margt.

Eftir hádegi þennan dag fór fram verklega prófið hjá þeim er ekki tóku það kvöldið áður.

Við félagarnir notuðum þennan stutta frítíma til að skoða dýra- garðinn í Frankfurt, sem er víðfrægur.

Þaginn eftir var svo munnlega prófið. Þetta var hvað mér við- kom alger 3. gráðu yfirheyrsla á sænsku, ensku og þýzku. Um kvöldið var síðan boðið til keiluleikshallar einnar mikillar og fengu þátt- takendur að spreyta sig á keiluleik fram eftir kvöldi.

Lokaorð:

Þessi ráðstefna var að mörguleyti misheppnuð, aðallega í fram- kvæmdaratriðum. Þar nægir að minnast á hve erfitt var að búa 40-50 km. frá fundarstaðnum og þurfa að þvælast á milli fundarstaðs og hótels í langferðabíl og þurfa samt að samlagast hinni ströngu dag- skrá mótsins, sem greinilega var miðuð við að þátttakendur dveldust á fundarstað, en þar komust aðeins ca 60 af þátt. fyrir.

Um gagn af ráðstefnu þessari þarf ekki að fjölyrða. Eg tel mig hafa lært geysimargt á þessari ráðstefnu, ekki eingöngu á fyrir- lestrum, heldur einnig á samtölum við ýmsa þátttakendur frá öðrum löndum, sérstaklega frá Englandi og Skotlandi.

Hefir mér orðið ljóst, að miðuð við þá skipan, er þessar þjóðir hafa á dómaramálun sínum, þá eru dómaramál okkar á algjeru steinaldar- stigi.

Algengasta fyrirkomulagið er að dómarastigum sé skipt í:

1. félagsdómara, þ.e. getur dæmt innanfélagsmót.
2. héraðsdómara, þ.e. geta dæmt innan héraðs.
3. landsdómara, getur dæmt á landsmóti.

Landsdómurum er síðan skipt eftir deildum, þ.e. 1. deildardómurum og 2. deildardómurum.

Fyrir sérhvert af þessum stigum þreyta menn próf, skriflegt og verklegt og fyrir landsdómaraaréttindi er 8 daga námskeið.

Síðar, ef þörf er á alþjóðadómurum, þá eru einhverjir af lands- dómurum tilnefndir og þá hefst enn eitt námskeiðið.

Eins og þið sjáið er hér harla ólíkt um að litast, samanborið við þá menntun, sem íslenzkir dómara hljóta, áður en flautunni er stungið ipp í þá.

Hér þarf margt að lagfæra. Auðvitað kemur ekki til greina að taka upp nákvæmlega þetta kerfi, heldur nota uppistöðu þess.

Fyrsta skerfið er að flokka alla körfuknattleiksdómara á Ís- landi upp á nýtt. Ekki eftir starfsaldri, eins og hingað til, heldur eftir getu. Þessari reglu verði svo haldið áfram.

2. Endurvekja þarf hinn hálfdaða félagsskap, er nefnist KKDÍ, (körfuknattleiksdómarafélagið) og fá það til að helga sig aðalmark- miðinu, þ.e. að samræna túlkun dómara á einstökum atriðum.

3. Hafi KKI í hyggju að senda dómara á alþjóðaráðstefnu, þarf að þjálf þann mann sérstaklega, því með fullri virðingu fyrir íslenzkum dómurum myndi enginn þeirra standast hið stranga próf, sem þar býður, miðuð við núverandi aðstaður, enda til of mikils ætlast. Ekki er það að hæfileikana vanti, heldur kunnáttuna.

Flestir þeirra, er reyndu við alþjóðadómaraprófið í Frankfurt, höfðu 10-15 ára reynzlu og voru á milli 30 og 40 ára.

Hvernig er þá hægt að ætlast til, að ísl. dómurum, með 2-3 ára starfsreynslu, 6-10 leiki á ári, standi þeim á sporði?

Auk mikilsvægasta atriðsins í máli málanna. BENDINGARNAR ... Er nema eðlilegt, að ísl. dómurum, sem vanir eru köllum og hrópum Hálogalands, fatist þegar skyndilega á að fara að dæma með bendingum og það á þýðingarmiklu augnabliki. Er ekki eðlilegt að þeim óvana verði á að hugs þegar hann sér brotið, hvernig var nú þessi bending og loks um síðir er hann ratar á rétt, er öllum viðstöddum ljóst að þarna er veiki hlekkurinn og það mikilvægur hlekkur.

Nei, eins og áður er sagt, er tvennt mest aðkallandi í dómaramálum hér á landi, það er: 1. Flokkun dómara og breyting á kröfum un getu þeirra.

2. Taka upp bendingar og bendingar eingöngu.

Ég vil að lokun þakka K.K.Í. fyrir þetta einstæða tækifæri, sem okkur þremmingunum gafst með þessari ferð og vona og treysti því að stjórn KKÍ, sjái sér fært, í samráði við KKDÍ, að lagfæra þá galla, er komið hafa fram og færi með því dómaramál íslenzkra körfuknattleiksmanna á æðra stig.

Reykjavík 19. júlí 1965

Guðjón Magnússon.

Þessir aðilar hlutu oddfána KKÍ á árinu:

Íþróttafélagið Þór, Akureyri, UMF Selfoss og Körfuknattleiksfélag Ísafjarðar, allir í tilefni af þátt. í fyrstu úrslitakeppni í Bikarkeppni KKÍ.

Erlendir aðilar:

Hofstra University, Long Island, New York.

People to People Sports Inc., New York.

The Capitols, Bolling AFB, Washington D.C.

District of Columbia AAU All Stars, Washington D.C.

Catholic University of America, Washington D.C.

Gallaudet College, Washington D.C.

Flatsburgh State University College, Flatsburgh N.Y.

Potsdam State University College, Potsdam N.Y.

Carleton University, Ottawa, Canada.

St. Michaels College, Winoozki, Vermont.

Plymouth State University College, Plymouth, New Hampshire.

St. Anselms College, Manchester, New Hampshire.

Mr. Wally Lord, ristj. Converse Basketball Yearbook.

Mr. "Chuck" Taylor.

Massachusetts Institute of Technology, Cambridge Mass.

Mr. Bill Mussel, fyrirliði Boston Celtics.

Mr. Red Auerbach, þjálfari Boston Celtics.

Mr. Dolph Schayes, þjálfari Philadelphia 76ers.

Mr. Bill Mokray, höfundur Ronald Encyclopedia of Basketball.

U.S.A. og Kanadaför á vegum People to People Sports.

Eins og getið var í skýrslu stjórnarinnar á þinginu í fyrra, þá hafði félagsskapurinn People to People Sports Inc. í Bandaríkjunum boðið íslenska landsliðinu í keppnisför til Bandaríkjanna og Kanada. Var hér um óvenju hagstætt tilboð að ræða, sem ákveðið var að taka, enda þótt engum kæmi til hugar, að hér yrði um sigurför að ræða. Taldi stjórn KKÍ að hér mundi leikmönnum okkar gefast kostur á að kynnast því bezta í þessari íþróttagrein, hjá fremsti kórfluknattleikspjóð heimsins.

Landsliðsnefnd valdi í október s.l. 12 piltar til fararinnar, en þeir voru þessir: Sigur Örn Þirgís og Fihur Þinnsson og Sigrún Lágsdóttir frá Ármanni. Jón Jónsson og Þorsteinn Hallgrímsson frá ÍR. Ólafur Thorlacius frá KFR og Einar Bollason, Gunnar Gunnarsson, Hjörtur Hansson, Guttormur Ólafsson, Kristinn Stefánsson og Kolbeinn Pálsson frá K.R.

Landsliðsþjálfari var ráðinn Einar Ólafsson íþróttakennari og fararstjóri Bogi Þorsteinsson forn. KKÍ.

Farið var utan með Loftleiðum 27. desember og komið til New York um eftirmiðdaginn. Strax fyrsta kvöldið var liðið gestir Ed Sullivan á sjónvarpsþætti hans í New York og var liði kynnt fyrir sjónvarpsáhorfendum. Áætlað er að 40-60 milljónir manna sjá hina vikulegu sjónvarpsþætti Ed Sullivan.

Þann 28. des. keppti liðið við Hofstra University, Long Island. Tapaðist sá leikur 82:58. Í liði Hofstra var Steve Nissenon, sem árið áður var hæztur yfir öll Bandaríkin með 92.3% hitni í vítaköstum og aukk þess með 27 stig að meðaltali í leik. Lið Hofstra University komst í fyrra í úrslitakeppni háskólaliða í Bandar. og hefir mörg undanfarin ár verið í röð fremstu liða á austurströndinni.

Áður en leikurinn við Hofstra hófst, afhenti formaður KKÍ Mr. Milton, varaforseta People to People, oddfána sambandsins, en hlaut í staðinn merki People to People handa KKÍ.

Þorsteinn Hallgrímsson fyrirliði landsliðsins afhenti liði Hofstra oddfána KKÍ og hljómplötu Savannatrióssins.

Annar leikur landsliðisinn var kvöldið eftir, eða 29. des. í Washington D.C. Keppt var við úrvalslið íþróttafélaga úr höfuðborginni, eða District of Columbia AAU All Stars. Sá leikur var fjörugur og skemmtilegur og stóð 38:37 í hálfleik fyrir okkar menn. Leiknum lauk þó með sigri All Stars 91:76 og voru þetta þó betri úrslit, heldur en menn höfðu þorað að vona.

Hljónsveit bandaríska flughersins lék þjóðsöngva beggja landa fyrir leikinn og heiðursvörður úr flughernum stóð með fána Íslands og Bandaríkjanna á leikvöllinum á meðan. Var þetta hátíðleg athöfn.

Þriðji leikurinn á þremur dögum, var leikinn í "Washington K.L.2 e.h. þann 30. des. Var keppt við "The Capitols", sem er úrvalslið Bolling AFB og talið eitt sterkasta kórfluknattleikslid innan flughers Bandaríkjanna. Sem dæmi má nefna að þetta lið hafði nokkrum dögum sígrað lið frá bandaríska flotanum 138:49.

"The Capitols" reyndust hávaxnari og sterkari heldur en okkar menn. Voru liðsmenn allir þeldökkir, utan einn og meðal þeirra var t.d. varamaður úr Olymпиuliði Bandaríkjanna.

Okkar menn byrjuðu vel og komust í 20:16, en leikurinn endaði 93:68, eða með 25 stiga mun fyrir The Capitols. Var leikþreyta farinn að segja til sín, auk þess sem mótherjarnir höfðu haft tækifæri til að horfa á okkar lið daginn áður og gátu skipulagt leik aðferðir sínar í samræmi við það.

Þrátt fyrir ósigurinn var leikurinn mjög vel leikinn á köflum og liði okkar vel tekið af áhorfendum.

Hátíðleg setningarathöfn var einnig fyrir þennan leik, liðsmenn kynntir og einnig kynntur Ingvar Ingvarsson sendiráðsritari, sem var fulltrúi sendiráðsins á þessum leik þi stað sendiherrans, sem var á fundum Sameinuðupjóðanna í New York.

Um kvöldið þann 30. var liðinu boðið til "altimore til að sjá leikatvinnuliðanna Baltimore Bullets og meistaranna Boston Celtics.

Íslenzkaliðið var kynnt í hálfleik, en áhorfendur voru yfir 8 þús.

Á gamlársgdag var frí frá keppni, en kl. 9 um morgunina var liðinu boðið að skoða Hvítahúsið, bústað forseta Bandaríkjanna. Boðið kom til liðsins frá Mr. Jack Valenti, einkafulltrúa Johnsons forseta. Höfðu menn mikla ánægju af heimsókninni í forsetabústaðnum, en að henni lokinni var farið í móttöku hjá sendiherra okkar h. Thors Thors og konu hans frú Ágústu. Var dvalið hjá þeim um stund í góðu yfirlæti. Varð það mönnum mikill harnur, er við fréttum lét sendiherrans nokkrum dögum síðar og mun landslið okkar hafa verið aðbrotlið hópur Íslendinga, er heimsótti Thór Thors sendiherra áður en hann lék.

Á nýjársgdag var liðinu boðið heim til Commander Stephens, sem dvalið hafði á Keflavíkurflugvelli um tveggja ára skeið. Var dvalið um daginn í góðu yfirlæti á heimil CDR Stephens og snæddur glaslegur kvöldverður. Rómuðu allir gestrisni þeirra hjóna.

Annar jan. var leikið við Catholic University of America í Washington. Töpuðum við þeim leik 93:62, enda leikurinn fremur allur leikinn af okkar hálfu, einkum fyrri hálfleikur. Þorst. Hallgr. var stigahæztur með 28 stig. Ágætar móttökur á félagsheimili stúdenta að leik loknum.

Þriðja jan. var liðinu aftur boðið til Baltimore, nú til að leika leik Baltimore Bullets gegn San Francisco Warriors. Þar fengu menn að sjá hinn heimsfræga leikmann Wilt Chamberlain. Í hálfleik áttu þekktur íþróttafréttamaður, Vince Bagli, viðtal við fararstj. og var því útvarpað yfir útvarpsst. WFBR í Baltimore. Liðið kynnt fyrir áhorfendum.

Fjórdi jan., leikið við Gallaudet College í Washington. Þessi leikur var ljótur og þar lítinn keim af körfuknattleik, líktist með áflogun, þar sem hendur annars aðilans eru bundnar. Töpuðum leiknum 92:59 og hefi ég aldrei kynnst jafn hlutdrægum dómum og í þessum leik. Engin móttaka eftir leikin og enda fátt um kveðjur.

Fimnta jan. Flogið frá Washington til Plattsburgh, New York. Móttökur þar frábærar, svo og allur aðbúnaður. Leikið um kvöldið við Plattsburgh State University College. Töpuðum 93:71, 58:41 í hálfleik. Þetta var skemtilegur leikur, sem var útvarpað og viðtökur áhorfenda mjög góðar.

Að leik loknum voru góðar veitingar og fararstjóri sýndi kvikmynd frá Íslandi við góðar undirtektir.

Sjötti jan. Ekið með skólavagni frá Plattsburgh til Potsdam. Móttökur ágætar og allur aðbúnaður góður. Leikið gegn Potsdam State University um kvöldið. Erfiður leikur, sem tapaðist 79:40. Lið Potsdam lék sterkastann varnarleik allra þeirra liða, er við mættum í þessari ferð. Þjálfari þeirra hafði ferðast til Plattsburgh til að sjá lið okkar leika og sneið hann leikaðferð sína í samræmi við það.

Sjöundi jan. Langferðavagn tekinn á leigu og ekið til Ottawa, höfuðborgar Canada.

Mr. Keith Harris, framkvæmdarstjóri íþróttanála hjá Carleton University tók á nóti liðinu og sýndi okkur frábæra fyrirgreiðslu á meðan við dvöldum þar.

Áttundi jan. Hvíldardagur, létt æfing um eftirmiðdaginn, sem var kvikmynduð af fréttamönnum kanadíska sjónvarpsins og viðtal við fararstjóran. Var þessu sjónvarpað með kvöldfréttum og höfðu menn gaman af að sjá sjálfa sig á sjónvarpinu.

Níunda jan. var leikið við gestgjafana Carleton University. Sá leikur var skemtilegur, okkar menn höfðu yfir í hálfleik 37:34 en leikurinn endaði með sigri Carleton 63:62. Þennan leik höfðum við þó sannarlega átt að vinna, en það var eins og heppni gæði okkur fylgt liðinu. Þorsteinn skoraði 26 stig og var beztu maður á vellinum.

Tíunda janúar var ferðast með langferðabíl til Montreal, þar var farið á bíó, meðan beðið var eftir áætlanarvagninum til Burlington í Vermont í Bandaríkjunum. Komið til Burlington laust eftir miðnætti eftir erfiða ferð. Ágætar móttökur, liðinu komið fyrir á gæstahúsi, en málstíðir snæddar á St. Michaels College.

Ellefti janúar. Leikið við St. Michaels College um kveldið í aðalsamkomusal Burlington, en á leiksviðinu þar, hafði Karlakór Reykjavíkur sungið á hljómleikaför sinni um Bandaríkin.

Töpuðum leiknum 81:61, en þó var hér um mjög góðann leik að ræða. Mótherjarnir voru eitt sterkasta liðið, sem við mattum á ferð okkar, enda hafði St. Michaels skorað að meðaltali 105 stig í næstu 5 leikum á undan þessum og "stjarnan" í liði þeirra Dick Tarrant hafði skorað 29 stig að meðaltali í leik yfir allt leiktímabilið. Gegn okkur skoraði Tarrant aðeins 13 stig.

Þjálfari St. Michaels sagði í blaðaviðtali eftir leikinn: "Þetta var einn af þeim leikjum, sem maður óskar að væru leiknir heima og heiman." Betri meðmæli getur lið okkar tapast hlotið.

Tólfti janúar. Ekið með skólavagni til Plymouth og leikið við Plymouth State University um kvöldið.

Töpuðum 74:63, en þetta var einn þeirra leikja, sem við hefðum átt að vinna með örlítilli hepni. Móttökur ágæt, liðsmann gistu hjá stúdentum og kynntust mörgum góðum félögum.

Þrettándi jan. Ekið í skólabifreið til St. Anselms College, Manchester, New Hampshire. Búið á nóteli um nóttina og þurftum við að greiða þann kostnað sjálfir. Um hádegi 14. jan. fluttum við yfir til St. Anselms og var leikmönnum komið fyrir á herbergjum stúdenta eins og hjá Plymouth State.

Lékuð við St. Anselms um kvöldið og töpuðum 78:62. Þetta var þriðji leikurinn, sem við áttum að vinna.

Fimmtíundi jan. Ekið í einkabifreiðum frá St. Anselms til Massachusetts Institute of Technology, Cambridge, Mass.

Um kvöldið var liðinu boðið í veglega kvöldverðarveizlu hjá M.I.T. Þar hittum við góðan vin, Mr. John Wood, sem verið hafði kennari hjá KKI sumarið 1963. Voru margar ræður haldnar og þakkaði fararstjóri móttökurnar með nokkrum orðum.

Síðar um kvöldið var liðið gestir hans heimsfrægs körfuknatt-leikslíðs Boston Celtics á leik þess við Philadelphia 76ers í Boston Garden. Í hálfleik var liðið kynnt fyrir áhorfendum og fararstjóri kvaddur út á leikvöllinn, þar sem hann afhenti oddfána KKI, þeim Bill Russel, fyrirlíða Boston Celtics, Arnold "Red" Auerbach þjálfara Celtics og Dolph Schayes þjálfara 76ers, en Schayes var einn af leikmönnum Syracuse Nationals, er sýndu körfuknattleik í Reykjavík 1955. Sjálfur var Schayes einn af þekktustu leikmönnum Bandaríkjanna.

Sextíundi janúar. Blindhríð í Boston allan daginn. Leikið við M.I.T. um kvöldið og tapaðist sá leikur 80:64. Þessi stigamanur var of mikill eftir gangi leiksins og dómara voru frámunalega lélegir.


Sautjándi janúar. Flogið til New York kl. 8 um morguninn og flutt inn á Sheraton Atlantic Hotle. Flestir fóru þaint í rúmið, enda hvíldinni fegnir eftir langt og strangt ferðalag.

Áttjándi jan. Dagurinn notaður til verzlunar, en kl. 22 um kvöldið var haldið heimleidis með Loftleiðaflugvél og komið til Keflavíkurflugvallar morguninn eftir.

Bandaríkja- og Canadaför landslíðs okkar, mun vera lengsta og erfiðasta keppnisferðalag, sem nokkur íslenskur íþróttaflokkur hefir farið.

Endapótt engir sigrar fengjust í þessari ferð og við þeim hafði ekki verið þúið, þá tel ég að árangur ferðarinnar hafi verið bæði mikill og margvíslegur. Leikmenn okkar fengu að sjá þá keppa, sem í dag standa hæzt í þessari íþróttagrein í heiminum. Ennfremurfengu piltarnir okkar að reyna kröfta sína við mjög sterk lið, sem voru í topp þjálfun. Sá samanturður er fékkst á getu okkar og þessara liða, er ekki hagstæður í tölum, en tæknilega séð stöndum við þessum liðum ekki jafn langt að baki og úrslitatölurnar gefa til kynna.

Bandaríkjaför landslíðsins var góð landkynning. Fjöldi leikja var útvarpað og útvarps og sjónvarpsviðtöl samt fjöldi blaðagreina vöktu mikla athyggli á Íslandi.




1. N Ó V E M B E R 1 9 6 4 T I L 2 5. O K T. 1 9 6 5.

Tekjur:

Styrkur frá ÍsÍ	Kr.	62.117.98
<u>Íslandsmót:</u>		
Tekjur	Kr.	20.333.15
+ Gjöld	"	<u>6.920.00</u>
Vextir	"	13.413.15
Auglýsingar í leikskránn	"	158.41
Styrktarfélagar	"	79.820.00
Tæknimerki	"	475.00
			555.65

Kr. 156.540.19
=====



Skuldir:

KKRR	Kr.	5.000.00
Bogi Þorsteinsson	"	9.091.86
Valur	"	4.190.00
Bókasjóður ÍSÍ	"	4.000.00
Helgi Jóhannsson	"	10.020.00
KKDÍ	"	2.000.00
Júlíus Guðjónsson	"	4.240.00
Leiftur h/f	"	7.500.00
Ljósmyndastofa Suðurnesja	"	807.00
Listprentun G. Norðfjörð	"	520.00
K.R., ógr. húsaleiga	"	3.000.00
Einar Matthíasson	"	56.10
Magnús Björnsson	"	69.00
Hreinar tekjur skv. rekstrareikn.	Kr. 28.259.56		
+ Skuldir umfr. eignir 1/II 1964	<u>6.872.87</u>	"	21.386.69

Kr. 71.880.65

Reykjavík, 26. október 1965,

Gunnar Petersen,
gjaldkeri (sign)

Við undirritaðir höfum endurskoðað framanskráðan rekstrar- og efnahagsreikning pr. 25. október 1965, fyrir Körfuknattleiks- samband Íslands og ekkert fundið athugasvert.

Reykjavík, 27. október 1965,

Þórir Guðmundsson (sign)

Helgi Sigurðsson (sign)